



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

vij Benedictus Mönch.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

allein auß dem befehl Gottes / das Euangelium hin vnd wider im Bisthumb Metz / vnd auch inn der Statt geprediget / im jar Christi 1524. Nach dem er sich aber etlicher gefahrlichkeit halber auß der Statt Metz gethan / ist er von den mörderischen Dienern des Cardinals in Lotharing gefangen / vnd in den Thurn zu Gorse geführt/te. Daselbst vnd in andern Gefängnissen / ist er von dem 4. tag des Maij im 24 jar / bis auff den 12. Januarij des folgenden 25. Jars gehalten worden. Endtlich ist er den 12. Januarij des 25. jars / als ein Ket. er zu dem Feuer verdamet / hinauß geführt / degradiert / vnd verbrandt / vnd in höchster beständigkeit gestorben / im 50. jas seines alters.

han
A
vij
Benedictus.

Dieser Benedictus von Nuosin / hat erstlich den Benedictiner Orden zu Cassin in Campania angericht. Dieser Orden ward baldt groß / vnd durch die ganze Welt schier außgebreytet / vnd ward von Keyser / König / Fürsten vnd Herrn / mit grossen Gütern reichlich begabet / Zum ihrem Orden darff keiner in heyliger Schrift studieren / sonder allein ir gemeyne Regeln lesen vnd wissen / ihr Kleidungslein grosse weyße Röck / schwarz von Farb / inn ihren

ihren Händen haben sie einen Bischofflichen
 Stab/ Es gebürt in aber vil mehr ein Säwstab/
 dann sie vil würdiger sein der Säw/ dann men-
 schen zu hüten/ Er hat gelebt zu der zeit Justini/
 und Justiniani der Römischen Keyser.

In diesem Orden ist auch gewesen Iohannes
 Trichemius Spanheimensis, welcher schrei-
 bet/ daß Benedictus im 542. Jar Christi ge-
 storben sey.

Nicht lang nach dem Huf verbrandt wor-
 den/ ist in Engellandt ein gräwliche verfol-
 gung/ der fromen Christen entstanden/ in wel-
 cher viel fürreffliche von hohen geschlech-
 ten/ Mann vnd Weib/ umbbracht wurden/ vnder
 andern ist diser Wilhelmus Taylerus/ ein En-
 gelländer/ gewesen/ welcher nit allein wider die
 Päpstischen irthumb geredt/ sonder hat auch
 ein besonder Buch/ wider die anruffung der
 verstorbenen Heyligen geschrieben/ vnd mit
 zengnuß der heyligen Schriff angezeigt/ daß
 zwischen Gott vnd den Menschen/ kein ander
 Mittel vnd Fürsprecher sey/ dann allein Jesus
 Christus/ Derhalben ward er gefangen/ vnd
 nach vielen Plagen zu Londin öffentlich ver-
 brandt/ vnd in Christlicher beständigkeit/ selig-
 lich gestorben/ Im 1422. jar.

La
 B
 viij
 Tayle-
 rus.

Nach